

Россия Федерациясының чырыдышкын яамызы Тыва Республиканың өөредилге яамызы Чөөн-Хемчик кожуунун өөредилге эргелели Тус чернин бюджеттиг ниити билигнин өөредилге чери Чыргакы ортумак школазы		
ШМК-нын хуралынга көргөн. Протокол № <u>1</u> <u>Донгак О.М.</u> /Сат 3.Э/ « <u>29</u> » <u>август</u> 2023г	Директорнун өөредилге талазы-биле оралакчызы чөпшээрээн. <u>Донгак О.М.</u> /Донгак О.М./ « <u>29</u> » <u>август</u> 2023г	Школа директорунун дужаалы-биле <u>Донгак О.М.</u> /Сат А.А./ <u>МБОУ ЧСОШ</u> « <u>31</u> » <u>август</u> 2023г

8-ки класстың

тыва чогаал эртемниниң

ажылчын программазы.

(ФКӨС, долу эвес ортумак школа)

Тыва дыл болгаш чогаал башкызы

Хен-оол Оксана Баламовна

2023-2024 өөредилге чылы

Чыргакы, 2023ч

Тайылбыр бижик

8 класска тыва чогаалга чижек ажылчын программаны Тыва Республиканың өөредилге болгаш эртем яамызының НШХИ-нің сүмелээни «*Тыва чогаал*» эртемниң ниити өөредилгениң федералдыг күрүне стандартына (Е.Т.Чамзырын, М.А.Кужугет, Л.Х.Ооржак тургускан. 2012), «*Федералдыг ажылчын программа*» (2023ч.),ӨФКС дүүштүр тургускан «*Тыва чогаал. 8 класс*» (2017) номунга (авторларыМ.А.Кужугет, Л.Х.Ооржак) дүүштүр тургускан.

Курстун ниити характеристиказы

Тыва чогаал кичээлдериниң өзээн национал литератураның алдын фондузунда кирген чогаалдар болгаш тыва улустун аас чогаалы тургузуп турар. Тыва улустун аас чогаалы болгаш литература – Тыва Республиканың чонунун культуразының эң улуг доктаамал эстетиктиг чаңчылдарлыг уран чүүлү. Ол чонну чаагай чаңчылдарга кижизидериниң, өгбелерниң алдарлыг төөгүзүн өөренириниң, келир үеге бүзүрөп болур дугайында идегелди быжыглаарының бир чепсээ. Делегей литературазының болгаш Россия чоннарының шылгараңгай чогаалдарын номчуп, тыва чогаал-биле деңнеп сайгарар. Тыва чогаал кичээлдери уругларның делегей көрүүшкүнүн, эстетиктиг шынарларын, хамааты туружун хевирлээр.

Өөреникчилер чечен чогаалды өөренип тургаш, философиядан, этикадан кижиге хамаарышкан билиишкиннерни шингээдиپ алыр (буянның сеткил болгаш каржы чорук, мөзү-бүдүш шилилгези, кижиге болгаш бурган, амыдырал болгаш өлүм, чуртталга, салгал солчулгазы, кижиге болгаш ниитилел, кижиге болгаш бойдус, кижиге болгаш кижиге, кижиге болгаш нация, кижиге болгаш кижиге төрөлгөтөн, ат-алдар, хүлээлге, арын-нүүр дугайында дээш оон-даа өске).

Чогаалды өөрениринге эптиг байдал тургустунганының түңнелинде эпоханың сагыш-сеткил база культура амыдыралы; чуртталганың аайы; үениң хүн бүрүдеги боттут талалары; шажынның база ниитилел медреселиниң өске-даа хевирлери; эпоханың социал-психологтук мөзүлери; чон-биле харылзаазы; эртемниң база техниканың чедишкиннери; материалдыг культураның тураскаалдары дээн ышкаш социал-төөгүлүг, этнокультурлук билиглер быжыгар.

Тыва чогаалда тыва улустун сайзырадып келген байлак дуржулгазы, мерген угааны, угаан-бодалының чедишкиннери мөөңнеттинген.

Тыва чогаал кичээлдеринге өөредилге болгаш кижизидилге ажылын чаңгыс аай, тудуш харылзаалыг чорудар.

Школага «Тыва чогаал» эртемни өөредириниң сорулгалары:

Литература өөредириниң ниити сорулгалы – өөреникчилерни төрөөн болгаш делегей литературазының байлаа-биле таныштырар, оларның литературлук болушкуннарны хүлээп алырын, шын үнелеп билирин сайзырадыр, оларның эстетиктиг көрүштерин, негелделерин, идея-чаңчылдарлыг хамааты туружун хевирлээр.

Тыва чогаалды амыдырал-биле холбап билир, бүгү талалыг сайзыраңгай, бедик культуралыг, чараш мөзү-бүдүштүг, чогаалдыкчы арга-шинектиг кижини хевирлээр. Ол ышкаш:

Өөредир:

- чогаал сөзүглелиниң тургузуун, уран-чеченин, оон дылының онзагай талаларын, идея-тематиктиг утказын, композициязын ханы сайгарып билир кылдыр өөредир;
- чогаал теориязының эге билиглеринге даянып, чечен чогаалдың аймаан, жанрын, хевирин, оон бижиттинген төөгүзүн ылгап, ханы сайгарып билир кылдыр өөредир;
- чечен чогаалдың онзагайын уран чүүлдүн өске хевирлери-биле деңнеп, орус болгаш өске-даа чоннарның литературазында тыва чогаалдарның идея-тематиказы-биле хөөнөш уткалыг чогаалдарны сайгарып, деңнеп, бадыткап, түңнеп өөредир;
- чогаал сайгарарынга ажыглаар янзы-бүрү медээ-сүмелерни (*Интернет четкизи, словарьлар, немелде номчулга номнары, энциклопедиялар*) ажыглап сайгарарын өөредир.

Сайзырадыр:

- уругларның амыдыралче бот-тускайлаң медреселдиг көрүжүн хевирлеп, чогаалдыкчы арга-шинээн сайзырадыр;
- аас болгаш бижимел чугааны делгереңгей, утказынга дүүштүр шын ажыглап билирин сайзырадыр;
- чогаалдыкчы ажылдарның хевирлерин сайзырадыр;
- уругларның харылзаалыг чугаазын сайзырадыр;
- уран номчулганың негелделеринге дүүштүр чечен чогаалдың аңгы-аңгы хевирлерин аянның номчуурун сайзырадыр;

- чечен чогаалда болуушкуннарны, фактыларны төөгү-биле шүүштүрүп билирин сайзырадыр.

Кижизидер:

- сагыш-сеткили байлак, мөзү-бүдүжү чаагай, эптиг-чөптүг;
- кижилерге, төрөөн черинге, бойдузунга ынак, хумагалыг; хамааты бот-медерели бедик; ада-чурт культуразын үнелеп билир кижини хевирлээр;
- тыва дылының байлаан, улустуң аас чогаалының болгаш чечен чогаалдың дээжизин камнап, нептередип, салгалдарга дамчыдып бээр күзелдиг кижини кижизидер;
- улустуң аас чогаалының чыыкчыларының кылган ажылын, тыва чечен чогаалдың амыдыралды, төөгүнү тода, шынныг көргүскенин үнелеп билир кижини кижизидер;
- номчулгага сонургалдыг, чогаадыкчы езу-биле боданып, бодунуң туружун амыдыралдың кандыг-даа байдалдарына камгалап билир кижини кижизидер.

«Тыва чогаал» курузунуң өөредилге планында туружу

2023-2024 өөредилге чылында 8 класска **төрөөн чогаалды** өөредиринге неделяда 1 шак көрдүнгөн, аңаа немей 1 шакты школа компонентизинден берген, ынчангаш 34 өөредилге неделясында 68 шакка программаны өөредир.

8 класска «Тыва чогаал» курузун (эртемин) өөретененин түннелинде школачыларның чедип алган турар ужурлуг чүүлдери:

Бо программа 8 класстарның доозукчуларының бот-тускайлаң, эртемден дашкаар, предметтиг дараазында түннелдерни чедип алыры башкының кичээл планында көрдүнгөн болур.

Бот-тускайлаң түннелдери.

- бодунуң үзел-бодалын бот-тодарадып, бот-сайзырадып, бот-углап билир;
- кичээлдин сорулгазын боду тургузуп, тодарадып билир;
- өөренириниң чугулазын, чаа билиглер шиңгээди алырын медерелдии-биле угаап билир;
- амыдыралчы планнарын тургузуп, ону боттандырып билир;
- мөзү-шынары бедик, бот-сайзыраңгай чогаадыкчы кылдыр ажылдап өөрөнгөн;
- бойдушту үнелеп, оон хоойлуларына чагыртып шыдаар;
- ада-өгбезиниң төөгүзүн, чаагай чаңчылдарын билип, сагып чоруур;
- тыва чоннуң, күрүнениң төлээзи кылдыр бодун санап чоруур;
- өске чоннарның төлээлери-биле эп-найыралдыг, кандыг-даа кижиге сагыш човаачал болур;
- кижилерге камныг, кадык амыдыралдыг, өске улуска эки үлегер бооп шыдаар;
- Төрөөн чуртунга, чонунга ынак, ие дылына, чечен сөске, ада-өгбезинден дамчып келген езу-чаңчылдарына хумагалыг болур;
- тыва чечен чогаалды чүге өөренириниң утказын билир;
- патриотчу тура-сорукут, күш-ажылга ынак, эртем-билигже чүткүлдүг болур.

Эртемден дашкаартүннелдери.

- чогаал эртемин өске эртемнерниң теория-практиктиг билиглери-биле чергелештир өөренир, чаа билиг алырының аргаларын шиңгээди билир;
- «Тыва чогаал» эртемин байдалга дүүштүр ажыглап, шиңгээди алган билиглерин амыдыралга ажыглап шыдаар;
- эртемге чедип алган билиглерин таварыштыр харылзажып, чугаалажып билир; культурулуг чугааны сагыыр;
- чүге өөренириниң сорулгаларын билир, ону янзы-бүрү аргалар-биле чедип шыдаар;
- чидиг (берге) айтырыгларны чогаадыкчы арга-биле дилеп тывар;
- кылыр чүвезин сорулгазының аайы-биле планнап, хынап, үнелеп билир;
- өөрөнгөн чүүлдерин системажыдып билир;
- янзы-бүрү медээ алыр чүүлдерни (*номнар, орус-тыва, тыва-орус, орфографтыг дээш оон-даа өске словарьлар, интернет курлавыр, энциклопедия*) тып, ажыглап билир;
- херек материалдарны сорулгазының аайы-биле чыып, анализтеп, дамчыдып, таарыштыр ажыглап билир;
- кыска сөзүглелдерни тургузуп, утка-шынарын, темазын, идеязын тодарадып шыдаар;
- эртемниң кол билиглерин деңнеп, анализтеп, тодарадып, системажыдып, бөлүктөп билир;
- чечен сөстү, улустуң аас чогаалын амыдыралына ажыглап билир;

- кижиги бүрүзүнүн бодалын дыңнап, чөпшээрэжи, эдип билир;
- бодунун бодалын тода илередип, бадыткап, үнелеп, даап бодап, түңнөп билир;
- коллективтиг ажыл үезинде бодунун үлүүн кирип, кылыр чүүлдерни хуваап, кады ажылдап, удур-дедир хынажылгага киржи билир;
- кандыг-даа чоннун төрөөн чогаалының үнелин, чаражын, сайзырап хөгжүп чоруурун медресеп билир;
- тыва чогаалдың өске эртемнер-биле холбаазын билир, өске эртемнерден алганы янзы-бүрү медээлерни төрөөн дылынга дамчыдар;

Предметтиг түңнелдери.

8-ки класстың өөреникчилеринин чедип алыр кол-кол мергежилдери болгаш чаңчылдары:

- «Тыва чогаал» эртемнин спецификазын медресеп билир;
- чаа билиглерни чедип алырының янзы-бүрү аргаларын ажыглап билир;
- теориялыг билиглерни амыдырал-биле холбап өөренир;
- эстетиктиг көрүштү хевирлеп билир;
- кол кичээнгейни окур-хевир, литературның темазы, чогаалда көрдүргөн проблемаже салып билир;
- чогаалдың бижиттинген үези-биле харылзаазын тодарадып билир;
- чечен чогаалдың темазын, идеяын, сюжедин, композицияын тодарадып шыдаар;
- чогаалда көрдүргөн проблеманы тодарадып билир;
- документалдыг чогаалдарның онзагай талаларын ылгап билир;
- чогаалдарның бүгү аймактарын болгаш хевирлерин аяңныг номчуур;
- чогаал сөзүглелинин планын тургузуп билир, ону езугаар аас-биле азы бижимел-биле үнелел берип шыдаар;
- чогаалдың аймактарының жанр хевирлеринин ылгавырлыг талаларын илередип билир;
- дылдың уран чурумалдыг аргаларын тодарадып, оларның чогаалга ужур-дузанын тайылбырлап билир;
- номчаан номунга, көргөн кинозунга, шиизинге аас-биле азы бижимел-биле үнелел берип шыдаар;
- чогаалдың уран-чечен онзагайын барымдаалап долу сайгарылгазын кылып билир;
- литературлуг терминнер словарьларын, энциклопедияларны ажыглап билир;
- чогаалдарга хамаарыштыр литература-сайгарылгалыг ажылдарны билир, оларны аас-биле харыларга азы бижимел ажылдарга ажыглап билир;
- өөрениг чогаалын бот-тускайлаң үнелээрде, литература төөгүзүнүн барымдааларын база литература теорияын ажыглап билир;

Коммуникативтиг компетенциядан:

- чугааның янзы-бүрү хевирлерин шииңгээдип алыр;
- аас болгаш бижимел чугааның үндезиннерин, дылды ажыглаарының мергежил, чаңчылдарын чугула херек ажыл-агыйы болгаш анаа-даа чугаага ажыглап билир;
- улус-биле харылзажып билир;
- логиктиг боданышкынын болгаш чугаазын сайзырадыр;
- тыва литературлуг дылдың нормаларын шииңгээдир;
- сөс курлавырын байыда;
- словарьлар-биле ажылдап билир;
- улус мурнунга чүве чугаалап билир;
- аяңныг номчуп билир;
- харылзаалыг сөзүглелди дыңнап азы аяңныг номчуп тура, ында сөстөрнүн үн тургузуун шын дыңнап азы тода адап билири, херек черлерге логиктиг ударениени болгаш үн доктаашкынын сагыыр;
- сөзүглелдин утказынга дүүштүр үнүн бедидип, чавызадып, дүргедип, оожумнадып номчууру азы чугаалаары дээш о.ө

Дыл талазы-биле компетенциядан:

- тыва литературлуг дылдың кол нормаларын шииңгээдип алыр;
- сөс курлавырын байыдар, чугаазын шын тургузуп билир;

- төрөөн чогаалдың өзек билиглерин сайгарар;
- янзы-бүрү дыл словарьларын ажыглап билир.

Культура талазы-биле компетенциядан

- тыва чогаалды тыва чоннуң национал культуразының илереттинер бир хевири кылдыр медереп билир;
- улустуң аас чогаалының, чечен чогаалының чоннуң төөгүзү-биле харылзаалыын, национал онзагайларын билир;
- тыва чугаа этикединиң нормаларын сагыыр болгаш канчаар чогаалда киргенин хайгаараар;
- тыва национал культураның хөгжүлдезиниң аайы-биле сөстөрнүң утказын шын тайылбырлап билир болур.

8 класска «Тыва чогаал» эртеминиң утказы.

Школага өөредери-биле чогаалдарны дараазында чүүлдерни барымдаалап шилээнин даянып кылган өөредилге программасында айтып турар:

- а) чогаалдың бедик идеялиин, уран-чеченин, амыдыралчызын, өөредиглиг болгаш кижизидикчи ужур-дузазын;
- б) тема аайы-биле хөй талалыын, улуг төөгүлүг болуушкуннарның болгаш амгы үениң амыдыралында бир мөзүлөш чүүлдерниң ужур-дузазын билип алырынга таарымчалыын;
- в) жанрларның болгаш стильдерниң хөй янзылыын;
- г) өөреникчилерниң хар-назынынга чогаалдарның таарымчалыын.

Класс бүрүзүнге кириилде кичээлдер бетинде өөредилге номнарының авторлары болгаш номнуң боду-биле кыска таныштырылганы кылыры, күрүнениң өнчү-хөрөңгизи-биле үндүрген номнарга камныг болурун суртаалдаары көрдүнгөн.

8-ки класска. «Чечен чогаал дугайында» деп кириилде кичээл соонда дараазында кезектерге бердинген чогаалдарны өөредери көрдүнгөн: I. «Тандым турда, таңдаш-ла мен...», II. «Тараам турда, тодуг-ла мен...», III. «Кижичүрттүг, куш уялыг», IV. «Авай, авай, авайымны ...», V. «Кижичүлүгү чажындан...». Бо кезектерден уруглар төрөөн чүртүнүң кижилериниң, бойдузунуң, төөгүзүнүң, символиказының, ава кижиниң сагыш-сеткилиниң, аңаа ажы-төлүнүң хамаарылгазының, амыдыралдың бергелериниң дугайында утка-шынарлыг чогаалдар болгаш чогаал теориязындан *шүлүглел, чогаалдың темазы болгаш идеязының, композиция болгаш сюжет, иши, барымдаалыг чогаалдар* дугайында билиглер кирген.

8 класска «Тыва чогаал» эртеминиң утказынболгаш өөреникчилерниң белеткел деңнелинге хамаарышкан кичээлдин негелделерин (өөреникчинин чүнү билир ужурлуун, чүнү кылып билир ужурлуун) дараазында **календарь-темалыг планнарда** долугу-биле көргүскөн.

8класс. Тыва чогаал. Календарь-тематиктиг план

Чогаалдың кезектери	№	Кичээлдин темалары 1-ги улдуң	Шак тар саны	Ай,хүннери	
				План езугаар	Херек кырында
	1	Кириилде кичээл. Чогаал дугайында сөс.	1ш	07.09	
I-ги кезек. Тандым турда, Тандаш-ла мен...	2-	Степан Агбаанович Сарыг-оолдун чогаадыкчы ажыл-чорудулгазы.	1ш	09.09	
	3	Степан Сарыг-оол «Улуг-Хемим».Шүлүглелдин үзүндүлерниң утказы	1ш	14.09	
	4	Степан Сарыг-оол «Улуг-Хемим».Шүлүглелдин үзүндүлерниң дылының онзагайы	1ш	16.09	
	5	Чогаал теориязы. Шүлүглел дугайында билиг.	1ш	21.09	
	6	Юрий Шойдакович Кюнзегеш.Шүлүк «Дыт», «Чөөн чүктүң кижизи мен».Шүлүктерниң тема, идеялары, дылының онзагайы.	1ш	23.09	
	7	Монгуш Баянович Доржу. «Даг эзири».Чечен чугааның утказы, чурумалдыг аргалары.	1ш	28.09	
	8	Салим Сазыгович Сүрүң-оол «Ырла,Хемчик» Монгуш Борахович Кенин-Лопсан «Хүттүң ужары». Шүлүктерниң дылының онзагайлары.	1ш	30.09	
	9	Чугаа сайзырадылгазы. С. Сүрүң-оолдун, М.Кенин-Лопсанның шүлүктеринге кичээл аянын номчулга.	1ш	05.10	
	10	Чогаадыг. Мээң ынак чогаалым.	1ш	07.10	
	11	Кызыл-Эник Кудажы “Таңды кежи”.Чечен чугааның утказы,овур-хевирлери.	1ш	12.10	
	12	Кызыл-Эник Кудажы “Таңды кежи”.Чечен чугааның чурумалдыг аргалары.	1ш	14.10	
	13	Зоя Семис-ооловна Байсалова “Тайга ээзи”. Чечен чугааның тема,идеязы,сюжеди.	1ш	19.10	
	14	Зоя Алдын-ооловна Намзырай “Дуруялыг шөл” Шүлүктүң тема,идеязы,дылының онзагайы.	1ш	21.10	
	15	Чогаадыг . Мээң ынак маадырым.	1ш	26.10	
		2-ги улдуң			
II.Тараам турда,тодуг-ла мен...	16	Кызыл-Эник Кудажы «Тараа».Тоожунуң 1-ги,2-ги эгелериниң уткалары,овур-хевирлер.	1ш	09.11	
	17	Кызыл-Эник Кудажы «Тараа».Тоожунуң 3-кү,4-кү эгелериниң уткалары,	1ш	11.11	
	18	Кызыл-Эник Кудажы «Тараа».Тоожунуң 5-ки,6-гы болгаш оон ыңай кыска эгелериниң уткалары	1ш	16.11	
	19	Чогаадыг. Тараа-амыдыралдың үндезини.	1ш	18.11	
	20	Антон Күжүгетович Үержаа «Ажыл».Шүлүктүң Утказы,тема,идеязы,дылы.	1ш	23.11	

III кезээ. Кижичурттуг, куш уялыг.	21	Виктор Шогжапович Көк-оол «Самбажык». 1көжеге 1,2 көрг. Овур-хевирлерниң онзагайы	1ш	25.11	
	22	Виктор Шогжапович Көк-оол «Самбажык». 1көжеге 3,4 көрг. Удурланышкак аңгыларның аразында чөрүлдээ.	1ш	30.11	
	23	Виктор Шогжапович Көк-оол «Самбажык». 1көжеге 5,6-гы көрг. Сюжеттиг коргузуглер	1ш	02.12	
	24	Виктор Шогжапович Көк-оол «Самбажык» деп шииге сайгарылга кичээл.	1ш	07.12	
	25	Чогаадыг. Алдан маадырлар - хосталга дээш демиселчилер.	1ш	09.12	
	26	Степан Сарыг-оол «Чечен биле Белекмаа». Шиин операның 1 кожегези.	1ш	14.12	
	27	Степан Сарыг-оол «Чечен биле Белекмаа». Шиин операның 2-ги кожеге 1 көргүзүг.	1ш	16.12	
	28	Степан Сарыг-оол «Чечен биле Белекмаа». Шиин операның 2-ги кожеге 3,4-кү, 5-ки көргүзүглер.	1ш	21.12	
	29	Степан Сарыг-оол «Чечен биле Белекмаа». Шиин операның 3-кү кожеге 1-ги, 2-ги көргүзүглер.	1ш	23.12	
	30	Чогаадыг. Чечен биле Белекмаа-быжыг туруштуг маадырлар.	1ш	28.12	
	31	Чогаал теориязы. Шиин дугайында билиг. 2-ги улдуңда ооренген чогаалдарыңа катаптташкын	1ш	30.12	
		3-кү улдуң			
	32	Антон Үержаа «Үш чүс харлыг кырган кускуннуң чагыгы»- деп шүлүүнде кускуннуң чагыгларының уткалары.	1ш	11.01	
	33	Маадыр-оол Ховалыг «Ыдыктаан тук». Очерктиң 1-ги, 2-ги эгелериниң уткалары.	1ш	13.01	
	34	Маадыр-оол Ховалыг «Ыдыктаан тук». Очерктиң 3-кү, 4-кү эгелериниң уткалары.	1ш	18.01	
	35	Чогаал теориязы. Барымдаалыг чогаалдар дугайында билиг.	1ш	20.01	
	36	Эдертиг	1ш	25.01	
IV кезек. Авай, авай, авайы мны...	37	Эдертигниң сайгарылгазы. Степан Сарыг-оол «Херээжен» Шүлүктүң тема, идеязы, сайгарылгазы.	1ш	27.01	
	38	Степан Сарыг-оол «Авамның ынак оглу» Шүлүктүң тема, идеязы, сайгарылгазы.	1ш	01.02	
	39	Екатерина Танова «Иениң салым-хуузу». Тоожудан эгелерниң уткалары. Ажыкмаа Рушева-Тываның баштайгы балерины	1ш	03.02	
	40	Екатерина Танова «Иениң салым-хуузу». Тоожудан эгелерниң уткалары. Николай Рушев-чурукчу.	1ш	08.02	
	41	Екатерина Танова «Иениң салым-хуузу». Тоожудан	1ш	10.02	

		эгелерниң уткалары. Надя Рушева-талантылыг бичии чурукчу.			
	42	Чогаадыг. Надя Рушевага чагаа.	1ш	15.02	
	43	Александр Даржай «Авамга чечээм».Боодал сонет. Шүлүктүң тургузуу,дылының онзагайы	1ш	17.02	
	44	Михаил Дуюнгар «Авамның тону». Чечен чугаада ава темазы, чогаалчының сактыышкыны.	1ш	22.02	
	45	Михаил Дуюнгар «Авамның тону». Чечен чугаага сайгарылга кичээл.	1ш	24.02	
	46	Зоя Намзырай «Авам мени манап оран» Шүлүктүң тема,идеязы,дылының онзагайы.	1ш	29.02	
	47	Чогаадыг. Тыва литературада ава темазы.	1ш	02.03	
V кезек. Кижини болуру чажындан.	48	Черлиг-оол Чашкынмаевич Куулар. Чогаадыкчы намдары. «Шораан».Тоожудан эгелер.1-ги кезээ.Човулаңның кончуун але.	1ш	07.03	
	49	Черлиг-оол Куулар.«Шораан».Тоожудан эгелер.2-ги кезээ.Сандак ирейниң салдары.	1ш	09.03	
	50	Черлиг-оол Куулар.«Шораан».Тоожудан эгелер.3-кү кезээ.Байырлыг,кырган-ачай!	1ш	14.03	
	51	Чогаадыг. Шораан-тура-соруктуг маадыр.	1ш	16.03	
	52	Чогаадыгның сайгарылгазы. 3-кү улдуңда өөрөнгөн чогаалдарга катаптаашкын	1ш	21.03	
		4-кү улдуң			
	53	Көк-оол Допуевич Чамыяң «Ханы дазыл». Чогаалда 1-ги эгениң утказы.Алексей Тооруквич	1ш	04.04	
	54	Көк-оол Допуевич Чамыяң «Ханы дазыл». Чогаалда 2-ги эгениң утказы.Пар-оол-берге өөреникчилерниң бирээзи.	1ш	06.04	
	55	Көк-оол Допуевич Чамыяң «Ханы дазыл». Чогаалда 3-кү эгениң утказы.Алексей Тооруквич биле Пар-оолдуң аразында харылзаазы.	1ш	11.04	
	56	Көк-оол Допуевич Чамыяң «Ханы дазыл». Чогаалда 4-кү эгениң утказы. Башкызынга бүзүрел.	1ш	13.04	
	57	Көк-оол Допуевич Чамыяң «Ханы дазыл». Чогаалдың сюжеттиг кезектери .	1ш	18.04	
	58	Кичээл-диспут. Чогаалда көдүртүнгөн чугула айтырыг.	1ш	20.04	
	59	Чогаадыг-сайгарылга. Пар-оолдуң омур-хевири.	1ш	25.04	
	60	Чогаадыгның сайгарылгазы.	1ш	27.04	
	61	Класстан дашкаар номчулга кичээли. Аныяк салгалдың чогаалчылары.	1ш	02.05	
	62	Артык Хөм-Оттуковна Ховалыг «Үш үнө».Шүлүктүң Тема,идеязы,тургузуу.	1ш	04.05	
	63	Артык Хөм-Оттуковна Ховалыг «Үш үнө».Шүлүкте ажыглаан чурумалдыг аргалар	1ш	11.05	

	64	Чогаадыг. Үш уне деп чүл?	1ш	16.05	
	65	Чогаадыгның сайгарылгазы.Частырыглар-биле ажыл.	1ш	18.05	
	66	Класстан дашкаар номчулга кичээли.	1ш	23.05	
	67	Чылда өөрөнгөн чогаалдарынга ниити катаптаашкын	1ш	25.05	
	68	Ниити өөрөнгөн чогаалдар сайгарылгазы.	1ш	30.05	

